

## 湘陰兩寨黃氏世譜卷三十五

### 祠堂志第一

古大夫廟士一廟庶人祭於寢支子不祭祭止及其立廟之親是大夫士庶人皆不得祭其始祖蓋謂大夫不敢祖諸侯支子不敢祭大宗無非嚴貴賤之階以杜其僭妄也予謂晚近入仕者多來自田間非時王之支庶大宗小宗之法久墜於地未嘗專有宗子主其祀事則古禮不可拘於晚近明甚且人皆有三年之愛於其父母三年之喪固為天下之通喪人孰無水源木本之思而報本追遠之禮獨不可為天下之通禮乎朱子定為祠堂而曰不敢祭其始祖只以助其專制之燄以抑臣民程子以為有服者皆不可不祭定四人之祭祇及其高祖其情猶有未盡也易之渙象先王以享于帝立廟朱注皆所以合其散合一族之人而立祠以祭其始祖是即所以維繫一族之人心於弗渙也晚近世家舊族取同宗合族

之義皆建立祠以祭其始祖此孝子慈孫報本之心所不能自己者善夫方望溪之言日人情所安不可強抑文獻通考宗廟考曰古今異宜禮緣人情當隨時為之捐益其以此與吾族自旻海二公遷湘是為遷湘始祖合族建祠於象形山此為總祠外此聰系之子孫則建聰公祠於徐家塘門之南岸山敏系之子孫則建縉公祠於畫林沖鳳形山方謀建敏公專祠以萬秀公配享第地址猶未確定茲併圖志於後不獨重宗祊篤根本且合實實枚枚之象顯然在自己建者亟加培植毋為風雨飄搖未建者即事經營毋作空中樓閣是則予之所禱祝也夫

## 兩寨黃氏宗祠圖

右圖為吾兩寨黃氏宗祠遷湘始祖似旻似海二公之祠清乾隆戊午創修於魚鱗山又名圍龍山逮壬子改建於今之象形山背無何蟲穿蟻齧雨打風搖墻壁時虞傾圮椽棟亦患崩頹於是族眾合議於清宣統辛亥改修之其規制上下三重上為寢廟中為堂堂之北設龕奉始祖之神主於中餘主亦各以其昭穆位於兩側堂之左有東夾室原為賢良祠今改為追遠祠祀文節公以名宦鄉賢從祀其說見祭禮志右西夾室為節孝祠祀吾族中女之節孝者兩夾室前天井各一二重為一大廳廳之左右各為廂房一俗名正房堂之前為亭亭之兩側為天井各一天井之外又各為橫堂堂左右有房各一下重為一大廳廳之兩旁有廠室二各為石大門通於前乃日常出人之路廳中為人門上題黃氏祠三字祠之左偏為廚室統計上下三重為棟五為間十有一民國甲寅族先輩復為橫棟於祠之右偏為守祠者住室祠前有坪後有陰陽四旁皆有餘基

祠規 舊有條例今不存謹錄其大畧


祠中所有田地山林概歸住祠人耕種砍伐以為香油燈火之費無津貼田賦歸住祠人完納兼管祠中什物不得遺失


祠產

圖龍山左邊田一坵計種八升祠堂斜對門田二坵計種八升祠堂背後東邊田一坵計種五升胡家塘塍上東高岸田一坵計種五升黃家塘東邊高岸田三坵計種二斗黃家塘塍下田一坵計種一斗二升凡田五斗八升祠堂背後伴陰陽地大小二塊牛欄塍上大  
小地二塊徐家塘山上騎崙地大小三塊凡七塊祠堂背後陰陽一隻小柴山一隻


祭產

田三斗二升頭錢一百五十五串文





聰公祠圖




右图为聪公祠在徐家塘之南山创修于聪系裔孙翰初萼辉诸老其规制上重为寝  
庙中为堂堂之北为龕专奉聪公神主堂之两旁各为厢房一西厢房旁又为偏室俗称偏  
水中重大天井一天井两旁各三位赛一各排列两室室一窗棂三重中为堂左右各厢房  
一西为守祠者住室东上重堂屋厢房见为其房初小学校假为校址祠面中为大门额题  
聪公祠统计三重为栋四为间十二祠前坪左右后面皆有馀基

### 祠产

田三斗七升头穀三十二石头钱一百一十串文

敏公祠圖



右图为敏公祠我敏系旧积有万秀公款田二石三斗一升银币一百八十圆铜圆六百九十六串四百二十文现经理人北海汤清松村碧云等拟建专祠祀敏公而以万秀公配享惟基址未确定尚在筹备期间特预绘一图以为他日建筑之制上重为寝庙中为堂堂之北为龕奉吾敏公神主于其中配万秀公主于其侧堂之两旁各为厢房一各窗棂一  
二重中为庭俗称晒墀庭之东为横栋中为讲堂以为我房小学子弟受课之地两旁排列  
二小室为教员室庭之西覆为横栋中为礼堂以为我房小学子弟习礼之所亦排列二小室为客室三重中为堂堂之两旁为两厂室各窗棂二前面为西式上题敏公祠三字统计  
三重为栋西为间十二

# 南莊公祠圖

右圖為南莊公祠先公遺有興源團大山觜田地庄屋一所屢年首土納佃戶租錢十串分給各支以為常自清同治甲子與朱人構訟後剩有錢八百文我房演卿公與同房志正紹興月林曜臨諸公痛除前弊於是將訟後所餘錢與屢年庄佃戶所輸租錢合并生積即省耗費同事者至不食公家一飯二十年間遂成巨穎由是謀建支祠于清光緒壬年置画林橋許元山田地山宅一契甲申置張宏興屋宇田地一契又置李正力本陰陽后山一只族志光山一只許猷桃屋下手地一块而祠之前後左右基址闊大矣諸公遂不憚焦勞鳩工庀材先創修祠前二重落成後公等前後謝世接管為演卿公之子雪濤公加修寢室一重中為亭亭之北為龕奉南莊公之主餘各以昭穆位於兩側亭之左右天井各一俗

名虎眼天井 二重中为堂上悬匾额书清圣祖训谕十六条堂之两旁为厢房前天井一三重堂一右右厢房各一祠面中为大门额题南庄公祠檐际郎以木栏统计上下三重为栋三为间七东横屋两栋每栋天井一厢房二西偏厨房一所横屋一栋房三间兹图拟改筑学校伴祠西二重正墙为庭 卽丹墀 庭之西为横栋通一大间为校室两旁为两厢房一为教员室一为会客室以为我房小学子弟受课之地祠前有坪左右馀基甚阔后阴阳古木成林绕筑土墙围之呼呼我先人于此室盖极惨淡经营矣书此不胜感慨云

祠产 田八石三斗银弊五十圆铜圆钱二千五百六十五串文

